



# المقابلات الشخصية للتخصصات الصحية

FROM 437 TO 438

We did it , and you will do it  
“We have faith in you 438 “



## المقابلة الشخصية للكليات الصحية

بالبداية حابين نبارك لكم ترشيحكم للكليات الصحية والله ينفع بنا  
وبكم يارب ويسهل عليكم ويبدشركم بقبولكم الاكيد الي اجتزتوا فيه  
٥٠٪ فترشيحكم اهو قبولكم المبدئي والمقابلة ماهي الا خطوه  
بسيطة وبتجتازونها بكل سهوله باذن الله  واحنا بنساعدكم  
باجتيازها بالي نقدر عليه ونتمنى انكم تستفيدون من هالشئ  
ويحقق الهدف الي نطمح له باذن الله 😊

❖ **ليه المقابلة؟! وش فايدتها؟! وش هدفها!؟!**

- هدف المقابلة ابداء موب تعجيزي او اعاقه لقبول الطالبه ابداء  
بالعكس المقابلة تساعد وتنفيد كثير هدف المقابلة الاساسي  
يعرفون شخصيتك ورغبتك بالجامعة والمجال ويقيسون مدى  
استعدادك للدخول لهمالمجال

## ❖ اكثر الاشياء الي يُنصح بها للاشخاص الي بيخضعون للمقابلة؟!

- اول شي واهم شي توكلني على الله وادعي كثير وصدقيني ربي ببسها جدا لك ويكتب لك كل خير فيها وحتى لو لاسمح لله ماتم قبولك فتاكدي ان ربي رد عنك شر فالحمد لله معن نسبه الرفض بعد المقابله يمكن اقل من ١٪
- لازم تهينين نفسك للمقابله ، طيب كيف؟! موب انك تجلسين متوتره وتقعدين تقدرين مقالات وكتب عنها وكذا لا ابدا بس ببساطه ريجي نفسك جدا ونامي وكلي وحلو تكونين متطالع بس على تجارب وبعض ال9سئله الي جت للدفع السابقه وممكن تجيك وكل هالاشياء احنا مرتبينها قد ما تقدر وان شاء الله انه تكفي
- يُفضل تروحين ابكر من وقت مقابلتك على الاقل بنص ساعه علشان ترجين نفسك وبرضوا ممكن يسرع بدخولك للمقابله و يُفضل تلبسين تنوره وبلوزه لان احتمال كبير يجبرونك تفسخين العبايه ، وفي بنات عادي دخلوا بالعبايه بس اتوقع في لجان تطلب ان العبايات تنفصخ فاحتياط كوني لا بسه شي رسمي ومرتب ولا تبالغي ابدا بكشختك عادي جدا كوني
- وقت المقابله لاتتوترون او حتى لو كنتوا متوترين حاولوا قد ماتقدرون ماتبينون توترتك يعني لاتتهزون رجلكم او يدكم او تطقطقون اصابعكم او تلعبون بشعركم كثير انسوا كل شي وصدقوني بتحسونها سوائف مع اهلكم موب مقابله
- ثقوا بنفسكم (انتموهوا تفرطون فيها واجاباتكم ولاتحاولون تتفلسفون لانهم ممكن يتفلسفون عليكم وبرضوا خلو اجاباتكم واضحه وبدون تعمق علشان مايترتب عليها سوال ثاني وثالث ورابع
- خلوكم صريحين وانتموهوا تكذبون " وخاصة باشياء ممكن تورطكم+ في اشياء تستدعي الكذبة البيضاء "" ولا توضحون باشياء انكم مرا عارفينها وانتو ما عندكم المعرفه الكافيه لان ممكن يسالونكم بالتفاصيل فمها ووقتها مايكون عندكم الاجابه بس لو كانت عندك معرفة كويسه عادي قولي يمكن هالشي يساعذك وتصير المقابله كلها حول هالشي
- انتموهوا تجاوبون اجوبة المثاليه المطلقه ابدا غلط جدا خلك انت وتذكروا انكم بيون يعرفونك انت فعادي يعني باختصار جاوبوا \* بمنطقيه وعقلانه موب بمثاليه\*
- هذي اهم النصائح وبس نتذكر شي زياده راح نضيفه باذن الله

## ❖ طريقه المقابلة؟! ❖

ابقولكم طريقة المقابلة بالتفصيل اول شي مثل ماتعرفون بيتطلع لكم الترشيح ببوابة القبول الموحد وراح يطلع لكم اليوم والتاريخ والوقت حق المقابلة والمستندات المطلوبه الي يحتاج تجيبونها وكذا وبعدها بكم يوم بتبدا ايام المقابلات وقتها انتو جهزوا نفسكم لبسكم والمستندات وكل شي وباليوم المحدد اصحوا وافطروا وروقوا واطلعوا بدري تفاديا لاي شي ممكن ياخركم زي الزحمة اوصلوا بدري افضل ، بعد ماتوصلون الدرعيه بتكون المقابلة بكلية الطب الي اهي تدخلونها من بوابه ٣ صاله ٣ الامن هناك يدلونكم وممكن تكون فيه لوحات ارشاديه ، بعد ماتنزلون بتدخلون لصاله ٣ هذي الصاله راح ينتظرون فيها المرافقات يعني لو معك امك او اختك بتنتظرك هنا وفيها مصلى وكم محل وكذا وانت الامن بيعلمونكم وين تروحون تطلعون من الصاله بيجيكم درج وسيب وبهالسيب بتشوفون يمينكم ويساركم كليات شوفوا يمين بتحبيكم اول كليه التمريض بعدها بتجي كليه الطب "الي فيها المقابلة" تدخلون الكلية وبتلقون بنات يوجهونكم لكل شي لاتخافون اول شي بيعطونك ظرف تحطين فيه جوالك او ايباد او حتى ساعه ابل لو معك وبيكتبون اسمك وكذا وبعدها بيدخلونك على غرفه تنتظرون فيها وبيصيرون يدخلون دفعه دفعه يمكن من ١٠ الى ١٥ بنت بكل دفعه اذا دخلتوا بيتاكدون من اثباتك وكذا وبتجلسون بمكان زي معمل حاسب وبيعطونكم ورقه تعبونها في هالاوراق اسئله شخصية وبيسالون عن ترتيب رغباتك بالتخصص "ترا هالترتيب موب معتمد بس كذا يعني" وفيه كم سوال عن رايك بمواقف وكذا وبس تخلصين تعطينهم الورقه الاوليه للي يعطي الورقه قبل وبعدها بتنتظرين وبينادونك وبيودونك لمكان لجنتك بيكون فيه كرسي جمب الغرفه تجلسين فيه لما تطلع الي جوا وبس تطلع بيدخلون ورقتك على اللجنة كم دقيقه وبعدها بتدخلي اذا دخلتي سلمي واذا كان وقتك صباح صحي عليهم عادي اللجنة بتكون عبارة عن ٣ اشخاص قدامك وحده تسال ووحده كذا تتداخل اشوي ووحده بس تناظرك عادي لاتوترك ذي خلك طبيعيه وبعدها بيطلبون منك تكتبين اسمك وسجلك المدني بورقه وراح تبدا مقابلتك بتكون اسرع ٥ دقائق بلا مبالغه مابتحسين بالوقت وبعد ماتخلصين بيدشكرونا وتطلعين واذا طلعتي برضوا وحده بتعلمك الطريق وتروحين تاخذين

جوالك واغراضك وخلص تطلعين

بالنسبة لوش بيكون بالمقابلة احنا مجمعين لكم اكبر قدر من الاسئلة الي جتنا وجت الدفعه السابقه وفي احتمال تجيكم رغم انه ممكن يختلف لان غالبا راح يسالونك عن اجابتك بالورقه وبرضوا احيانا يسالونك بناء على ردك للاسئلة يعني وكذا ، وبرضوا راح نقول لكم

تجارينا بالمقابلة يمكن تفيدكم وكذا ❤️

## ❖ الأسئلة .

جمعنا لكم اكبر قدر من الأسئلة الي جتنا وحت للدفع السابقة وفي احتمال انها تجيكم وطبعاً هالاسئلة موب شرط تجيكم نفسها ممكن نفس الفكره فقط لان غالباً تعتمد اسئلة المقابلة على الورقة الي تعبونها وبوضوا تعتمد على اجوبتكم للاسئلة فانتو تقدرتون تمشون المقابلة على كيفكم عن طريقة اجوبتكم سواء في الورقه او بنفس وقت المقابلة .

- 
- وش معنى أسمك ؟
  - ايش هواياتك؟ ايش تسوين بوقت فراغك؟
  - ايش آخر حدث سمعتي عنه؟ ايش خر شيء قرأتيه؟
  - ليش اخترتي جامعه سعود ؟
  - كيف بتنظيمين وقتك بين الشغل وزوجك وعيالك ؟
  - تعرفين احد بالمجال الصحي ؟ وهل أثروا عليك؟
  - ايش درجاتك و كيف ذاكرتي للقدرات والتحصيلي؟ ايش تخصصات اللي بعائلتك ايش يتشغلون امك و ابوك ؟
  - شرايك باحداث كانت صارت بديك الفتره؟
  - ليش اخترتي المسار الصحي؟
  - تكلمي عن نفسك؟ كيف مستواك ولغتك الانجليزية؟
  - لو مانقبلي بالتخصص اللي تبينه ايش رح تسوين؟
  - وش تتوقعين اصعب شي ممكن يمر عالطبيب في مهنته؟
  - لو ولدك تعبان واتصلوا عليك المستشفى ببونك بحاله طارئه رح تروحي له ولا لا وعطينا السبب بكل الحالتين!
  - لو زوجك خيرك بينه وبين الوظيفة مين بتختارين؟
  - وهل لو قالك اتركها بتوافقين؟
  - لو كنتي بغرفه العمليات ، وعندك حاله طارئه بتموت خلاص .. والي حولك يقولون لك بسرعه يلا بسرعه بسرعه يعني حولك حالة توتر .. وش بتسوين؟
  - ايش نظرة المجتمع للطبيبة؟
  - هل تناقشتي مع الوالد عن الموضوع ؟ يعني دخولك للمجال الصحي.

- لو كان المريض ابوك وانتي بغرفة العمليات هل رح تسوين له العملية أو لا؟ وكيف ردة فعلك ممكن تكون وقتها \*حاولي تتحكمين بمشاعرك في هذا السؤال انتبهوا\*
- وسألوا عن برضوا الوزراء ممكن الحين انتوا الأحداث الجديدة يسألون عن وزير الدفاع الجديد اعرفوا ايش اسمه وطبعاً ممكن يسألون مين ولي العهد (من الاسئلة الشاطحة)
- اذا جاك اهل مريض توفي وقام يهاوشك ويقولك انتي السبب بموته وقام يتلفظ عليك بكلام وش بتكون ردة فعلك؟
- عادي عندك بسالفة ان بنات الصحي ما يتزوجون اغلبيهم؟
- لو واحد من الموظفين بالمستشفى تحرش فيك ايش رح تسوين؟
- ليش شكلك متوتره كذا؟ "او اي ملاحظة ع شكلك"
- لو صرتي وزيرة الصحة وش بتسوين؟
- قولي احد مشاكلك وعلميكي كيف حلتيها؟
- اذكري الصفات الحلوة والسيئة فيك.
- وش ونقطة ضعفك؟!
- وش الموقف الي حسسك انك قد المسؤليه وتعرفين تتعاملين مع الضغط؟؟
- وين تشوفين نفسك بعد ١٠ سنين؟!
- تحبين تكتبين او تقرين؟!
- وش تعرفين عن الطب "أو حسب ترتيب رغباتك"
- كيف تتعاملين مع اخوانك؟
- الاختلاط ووش راي اهلك بالموضوع؟!
- لو تزوجت و عندك عيال ومثلا عندك مناوبه وش بتسوين بعيالك؟
- في احد من صديقاتك قد صارحتك بشيء خطأ فيك؟ وكيف تعاملتي مع الوضع؟ زعلتي او لا؟
- كيف تنظمي وقتك؟
- المجال الصحي فيه فرص وظيفية نفس التسويق ليش مادخلتيه؟
- لو عندك اختبار بكرا واختك الصغيره عندها اختبار ومحتاجتك مره تساعدينها كيف رح تتصرفين؟
- هل قد تعرضتي للظلم ووشلون تصرفتي؟
- وش المشاكل الاجتماعيه الي تحسنيها منتشره .. ويسالون اذا من حولك فيه هالمشاكل؟

- وش التخصص اللي تبينه وكم عدد سنواته ؟
- وش العيوب اللي فيك تشوفينها بتعيقك بالتخصص ؟
- ليه اخترتي هذا التخصص ؟
- وش رايك بالظلم ؟
- تحسينك قد الثقة ؟
- قد تحملتي مسؤوليه البيت كله لحالك ؟
- انتي جاية المقابله الحين مستعدة وكذا ؟
- ايش سمعتي عن المقابله ؟
- وش الاسئلة الي قريتها ممكن تجي بالمقابله ؟ " ممكن يسالونك الي تقولينه "
- اذا احد قل ادبه عليك وش تكون ردة فعلك ؟
- وش كانت ردة فعلك في اول درجة قدرات وكانت عاجبتك او لا ؟ وش سويتى بعدها يوم ما عجبتك ؟
- وش روتينك للمذاكره ؟
- هل في احد من اهلك بمجال الطب ؟
- هل اثر عليك احد من اهلك بخصوص رغبتك بالمجال ؟
- هل اهلك راضين ومشجعين لفكرة الصحي ؟ او القرار لك لحالك ؟
- لو ارتكبتى غلط طبي وش بتسوين ؟
- كيف علاقتك مع مواقع التواصل الاجتماعي ؟
- وش البرامج الي عندك وتتصفحها اكثر ؟
- مين تتابعين في هالبرامج ؟
- وش انجازاتك بحياتك ؟
- وش طموحك بالمستقبل ؟
- هل سبق ومريتى بتجربة فاشله ؟ وش اهي ؟ وكيف تجاوزتها ؟
- وش انجزتني بالصيف هذا ؟ او وش مقررة تنجزين ؟

- لو تزوجتي وزوجك رفض تكملين دراسة ايش تسوين ؟
- لو كنتِ بالمستشفى وجتك حالتين طارئه واحد من هالحالتين طفلك أو شخص مقرب لك , تبدأين تعالجين او تسعفين مين أول ؟
- لو فرضاً كنتِ متزوجة وطلبوك المستشفى بالليل وزوجك عنده إستلام او مناوبة بعمل ما وطفلك فيه حرارة وما عندك احد تودين طفلك له , ايش تسوين ؟
- لو خلصتني دراسة وما حصلتني وظيفة وش بتسوين ؟
- لو تزوجتي وزوجك رفض تكملين دراسة او رفض وظيفتك وش تسوين ؟
- لو خيرك زوجك بينه واولادك وبين الطب " او اي تخصص " مين بتختارين وليه؟
- لو شفتي دكتور يدخن قريب من المرضى , كيف بتتصرفين ؟
- لو تأخرتي على عيادتك وشفتي المراجع معصب وبهاوش وش بتسوين؟
- هل فكرتي وش التخصص الدقيق الي بتملينه بعد الطب؟ وش اهو وليه ؟
- لو مريض أخطأ بحقك وش بسوين؟
- ليه اخترتي هالجامعة ؟ وش يميزها عن غيرها ؟
- لو تعرضتي لتحرش سوا من زملاء ال مهنة او من المرضى كيف بتتصرفين ؟
- لو غلطتي غلط طبي ادى لوفاة المريض , وش بتسوين ؟
- لو توفي مريضك كيف ممكن توصلين لاهله الخبر ؟
- لو جتك حالة طارئة جداً ولما جيتي تعالجينها اكتشفتي انه ابوك او اخوك وش بتسوين ؟ هل بتعالجينه انتِ او ترفضين وتطلبين من دكتور ثاني يعالجه؟ وليه؟
- عطينا سبب يخلينا نقبلك؟؟

• وبس هذي بعض الاسئلة جربوا تجاوبنها + خذوا وقتكم وانتو تجاوبنها وقت المقابلة.

• وفي حال في سوال ماعرفتوا وش الاجابة الانسب له تقدرن تتواصلن معنا وبنساعدكم ان شاء الله " حساباتنا اخرالملف"

## ❖ التجارب .

جمعنا لكم بعض تجارب البنات والهدف من التجارب تعرفون رد بعض الاسئلة وبعد تتفادون بعض الاغلاط الي سواها البنات وعلشان ترتاحون وكل التجارب الي ذُكرت انقبلوا البنات منها رغم بعض الاخطاء بس تذكروا دايم ان المقابلة ماهي الا اجراء بسيط جدا فاسامتعوا بالتجربة وعيشوها لانها بتكون ضمن اجمل التجارب الي بتخوضونها بحياتكم رغم كل شي بيصير فيها .

السلام عليكم

معاكم تماضرين عسكر طب أسنان ♥  
أهلاً بالجميع ان شاء الله نقدر نفيديكم 😊  
بقولكم تجربتي بالمقابلة

صراحة بالنسبة لي الحمدلله الحمدلله ما جاني اساله لف ودوران كانت جداً جداً  
طبيعية ومتداولة

اول شيء دخلت ويدلونا بنات اكبر مننا ويسولفون معنا شوي وكذا  
بعدين عببت ورقة الاسئلة تأخذ شوي وقت بالتفكير (جاوبوا بذا الورقة بصدق)عشان  
اذا سألوكم نفس السؤال بالمقابلة وتكونين ناسيه الجواب تكونين مجاوبه على اللي بقلبك  
صدق .

بعدين دخلت كان على وقتنا رمضان بارككت لهم وكذا وجلست وأقاموا يسألون أسئلة  
عادية وهم يطالعون بعض بنظرات (يحاولون يقلقونك لكن ترى كذا بس النظرات مو  
شيء بس يختبرونك 😊)يعني لا تخافون)

فيه سؤال ممكن هو اللي اذكر كنت مدري ايش اجاوب فيه:

قالوا ايش هواياتك (ماعندي هوايات) عشان كذا حرفت بالسؤال قلت لهم يعني ايش  
اسوي بوقت الفراغ؟ قالوا ايه قلت اطالع اشياء وكذا قالوا بعدين اذا كنتي مشغولة  
بتبقيين تشوفينها(قصدهم بالمستقبل)؟ قلت اصلاً أشوفها بوقت الفراغ يعني عادي اذا  
عندي شفرتها اذا ماعندي مارج أشوف

وبس الحمدلله كانت جداً جداً سهلة وسواليف جد (تخيلي نفسك تسولفون مع وحده ما  
تعرفينها او توك تعرفتي عليها!بالضبط كذا)

السلام عليكم ورحمة الله وبركاته

اهلن يا حلويين ❤️ ،

مبروك ترشيحكم للكليات الصحية

وبعد مبروك قبولكم فيها باذن الله "مقدماً"

معكم عهد القرين طالبة طب بشري بجامعة الملك سعود 😊❤️

ابتكلم لكم اليوم عن وحده من التجارب الممتعه جدا بحياتي اللي هي 'المقابلة الشخصية'.  
بالبداية كانت مقابلتي يوم الاثنين الساعة ٩:٣٠ اللي هي اول دفعه رحتم للمقابلة قبل الوقت  
بنص ساعه وكنت متحمسه لان كنا مسوين قروب للبنات وبنشوف بعض وكذا وبنفس  
الوقت كنت متوتره مرا وخايفه يعني بس الحمد لله قدرت اسيطر على هالشئ طبعاً رحتم  
للمقابله واخذوا جوالي وكذا ودخلنا غرفه ننتظر وبعدها دخلونا غرفه ثانيه وشافوا اثباتاتنا  
وعطونا اوراق فيها اسئله ومواقف نجاوبها " احياناً تعتمد اسئله المقابلة على اجوبتك فيها  
"وطبعاً انا اخذت وقت بالورقه وجاوبتها بذمه وضمير وبعدها سلمت الورقه وانتظرت ونادوني  
ورحتم مع وحده من المتطوعات للجنتي اللي بتقابلني انتظرت اشوي لان الورقه تدخل عندهم  
قبل ويشوفها وبعدها دخلت وسلمت وصبحت عليهم وطلبت اذن اني اجلس وقالوا تفضلي  
وكذا "كانوا ٣ دكتورات وحده تسال ووحده تتداخل ووحده بس تناظرني " طلبوا مني اكتب  
اسمي ورقم سجلي المدني بورقه وبعدها بدينا المقابلة .

اول سوال كان عن عرفينا عن نفسك؟! قلت اسمي ومدرستي الي تخرجت منها وعمري وكذا  
بعدين قالت عهد قولي لنا درجاتك؟ جيت قلت لهم درجات التحصيلي والقدرات والثانوي  
والموزونه كامله "بالفواصل"

بعدها سالوني عهد انت تكتبين؟! استغربت من السؤال وقلت لا . قالوا ان اجوبتك بالورقه  
مرا يعني حلوه وكذا فتوقعنا انك تكتبين وكذا! قلت لا ابدأ ما اكتب ، قالوا طيب ما تقرين  
كثير؟! قلت لا ماقرأ كثير ممكن اقرأ كتاب من فتره لفره وممكن اقرأ نصوص يعني بتويتر  
وكذا . قالوا في شخص تحبين تقرين له وكذا؟! قلت لا عادي اللي موجود بالتايم لاين او  
بالهاشاقات ما عندي احد معين وكذا .

بعدها سالتني عن تجربه الاولمبياد وابداع "كنت كاتبتم ضمن انجازاتي بالورقه" وحكيت لهم  
عن تجربتي فيهم وكذا وقالت ابداع ضمن مركز الملك عبدالله؟! قلت لها مدري صراحه بس  
ما توقع لا ، قالت الا ضمن مركز الملك عبدالله؟ كانت متوقعتي ابقول اي صح عليك بس قلت  
لا وقعدوا يتناقشون بينهم وبين بعضهم بالموضوع "طبعاً لوقتكم ذا مدري اذا اهو صدق  
ضمن مركز الملك عبد الله او لا " .

وبعدها قالت من ردك على جواب الاختلاط شكل لك خبره ومعرفه هل عندك احد من اقاربك يشتغل بهالمجال؟! قلت ايه في من اقاربي وفيه من اخواني بعد ، وطلبت مني اعلمها كل واحد من اخواني واخواتي اللي بالمجال وش تخصصاتهم ووش اهم هل توظفوا او يدرسون او وش وقلت لها وسالتي هل اختي اثرت على قراري؟! "الي تخصصها طب" قلت لا ابدا بالعكس هي وعتني وعلمتني عن هالتخصص ووش ممكن اواجه فيه وتركت القرار لي . قالت طيب ليه تبين طب؟! ولو مانقبلي طب وش بتسوين؟! قالت ابي طب لانه حلم الطفوله اللي كبر معي ولاني القى نفسي بهالتخصص وعارفه باذن الله اني ابيدع فيه وكذا اما بالنسبه لسؤال عدم قبولي انا ابسوي كل اللي علي وابعاول اجيب المعدل اللي ياهلني بس لو ربي ماكتب لي الطب فالحمد لله لعله خيره يمكن ربي شايف اني ابيدع بتخصص ثاني اكثر ، وسالتي بعدها عن امي وابوي وش شغلهم قلت لها "متعاقدين" قالت هاه وش متعاقدين بعدها استوعبت تكليجتي وقلت عذراً اقصد متعاقدين .

بعدها سالتني عن نقاط القوه فيني وكذا؟! قلت اني اقدر اشتغل مع الجماعه واقدر اشتغل تحت الضغط وكذا ، قالت قولي لي موقف يبين انك اشتغلت تحت الضغط؟! قعدت اقول وكذا وانا اقول قالت عهد استعجلي اختصري قلت ابشري واعطيها الزبده وكذا .

بعدها سالت عن سلبيه فيني؟! "انتبهوا قولوا سلبيه تنقلب لايجابيه" قلت لها الدقه قالت الدقه موب سلبيه قالت الا اي شي يزيد عن حده ينقلب ضده وكذا قالت صح عليك طيب عطينا امثله بوش تكونين دقيقه؟! قلت لها ابسط مثلا لما تجي اطبخ او اسوي حلا اخذ

ساعات بكل طبقه وكذا "كنت متقصده اجيب طاري الطبخ لاني عارفه انهم صيام وبتنقلب المقابله اكل وفعلا صار مثل مابي" 😊 قعدوا يسالون عن الطبخ وعن اني اساعد امي وان بعدين يمكن تعيقتي دراستي عن هالشي اللي احبه وكذا وصرنا نسولف عن الطبخ وكذا لما

خلص الوقت وقالوا نذوق طبخك ان شاء الله بيوم قلت ان شاء الله اذا انقبلت ابشروا "عاد للاسف نسيتمهم والا ادري وينهم علشان اذوقهم" 😊 وبس خلصت المقابله وقالت لي عهد تقدرين تتفضلين وشكرتهم وسلمت عليهم ويوم جيت اطلع قالت لي وحده "نشوفك ان شاء

الله قريب" ومن سمعت هالجمله ارتحت اكثر من ارتياحي وحسيت اني خلاص انقبلت ❤️

الحمد لله كانت المقابله افضل بكثير مما توقعت معني متوقعه انها بتكون شي كويس

فلا تخافون ولا تتوترون والود ودي اني اعيد هالتجربه من جمالها لاتخلون توتركم يمنعكم

من انكم تعيشون اللحظه وتستمعون فيها

وبس اي سوال او استفسار حياكم الله باي وقت وابكون اكثر من سعيده اذا جاوبت اسئلتكم

واشبعتم فضولكم

أهلاً ببناتنا الحلوات أحب أقول لكم ألف مبروك ترشيحكم إنتوا الآن ٥٠٪ تعتبروا من

منسوبي جامعة الملك سعود وكلنا فخورين ونتشرف فيكم! 😊🎉

أعرفكم بنفسى أنا آلاء الصويغ طالبة طب وجراحة عامة بجامعة الملك سعود، وسعيدة

جداً بكوني رح أقولكم تجربتي بالمقابلة الشخصية وبإذن الله تستفيدوا منها وتبشروني

بمقابلاتكم الناجحة.. 😊🎉

أنا مثلي مثل كل وحدة فيكم، أول ماطلع ترشيحي ودخلت قروب الصحي بديت أهئ نفسي للمقابلة وبدأت أدرب نفسي وكمان دُفعة ٤٣٦ ماقصروا دربونا فتهيأت قلباً وقالباً للمقابلة

واستعدت كويس وهذا الي رح نسويه معكم وشخصياً رح أحرص ع إنو كل وحدة فيكم

تستعد نفسياً وجسدياً لها ✓، بيوم مقابلي صاحية بدري وماخذة راحتي بالتجهيز وافطرت

ع رواق 🎉 وبعدها توجهت للمدينة الجامعية -مكان المقابلة- ولبست لبس مرتب ورسمي -

مهم موضوع اللبس فيه لجان تطلب من البنت إنو تشيل العباية عشان تدخل -ومعي

الإثباتات الي طالبينها.. أول ما دخلت كلية الطب إستقبلوني طالبات الطب اللطيفات

ودخلوني لمدج الطب 🎉، إنتظرت مع البنات وكانوا ياخذونا دفعه دفعه -ك نصيحة

روحوا بدري لمقابلاتكم لأنو ماكان عندهم إلتزام بالوقت حتى الي مقابلاتهم متأخرة وجو

بدري دخلوهم ✓- بعد ما نادوني كانت فيه اجراءات شافوا الاثباتات الي جبتها وأخذوا

جوالي وبالاخير وجهوني للاب الحاسب وبرضو أخذوا اثباتي وطابقوه وبعد كذا أعطوني

ورقة فيها بياناتي واسئلة، أجوبتكم عليها هي الي تحدد مقابلتكم كيف رح تكون وايش

اسئلة الدكتورات لكم.. جاوبوا عليها باختصار ولا تتفلسفوا فيها إنتبهوا!! 🎉🎉 الاسئلة

بسيطة وشخصية شوي وفيه كم موقف حاطينه، خليكم سريعين وسلموا الورقة بسرعه

لأنو اذا سلمتوها بدري رح تدخلوا المقابلة أبكر.. خلال وقت الإنتظار حاولت أهدئ من

مقدار توتري، كنت جداً متوترة ع قد ماتدربت إلا إنو لازال عندي رهبه -بالأخير إكتشفت

إنو ماتسوى وسعوا صدوركم - 🎉🎉 لما نادوا إسمي أخيراً توجهت مع طالبة الطب

اللطيفة 🎉 وانتظرت شوي لحد ما الدكتورات يقرأو ورقتي وبعدها دخلت بعبايتي

ماقالولي شيء.. دخلت مبتسمة وأحاول أمثل الثقة -رغم التوتر الي فيني- مسيت عليهم

وجلست وقدامي ٣ دكتورات اعطوني ورقة وقلم وكتبت فيها بياناتي وعلقت وحدة علي

قالت "إنت يسرى؟"، قلت لها إيه فقالت لي سؤال أعتقد قصدها الاستفزاز 🎉🎉 الحين

الادوات مصممة للأشخاص الي يستخدموا يدهم اليمين وانت تستخدمى اليسار ايش رح

تسوين بعدين؟" بعد كذا لما شافوا ورقتي وإني كتبت لهم إني من خارج الرياض.. سألوني

"كم تبعد الخرج عن الرياض؟ كم جيه وروحه؟ عندك إستعداد يومي تقطعين هالمسافة؟

مين فاضي لك يجيبك اخوك او ابوك عنده استعداد؟" بعد كذا عطوني موقف خفيف

"إنتي طبيعي من الخرج للرياض مسافة ورح تتأخري عن كلاساتك فرضًا تأخرتي ٥٥  
والدكتور سكر الكلاس منعك من إنك تدخلين كيف رح تتصرفي؟" بعدها سألوني عن لو  
عندي أحد بالمجال الصحي أو لأ.. وبعد ما وحدة منهم أخذت نظرة ع ورقتي وتحديدًا ترتيبي  
للرغبات سألتني "ليش إخترتي الطب البشري؟" بعد الجواب عليه تبعته بسؤال  
إستفزازي 😊 "طيب إنتي عارفة بما انك داخلة للطب إنه رح يكون عائق مستقبلًا للزواج  
وممكن ماتتزوجين إيش رايك؟" بعدها جاء السؤال المشهور "♀️ ❓ ❓ لو زوجك خيّر  
بين وظيفتك او زواجك كيف رح تتصرفين؟" كنت حذرة بأجوبتي وأشوف وجه الي تسألني  
وكل ما حسيتني أعجبها يقل توتري .. 😊 ❌ ما قبل الأخير سألتني "أيش نظرة المجتمع  
للطبية؟ أو ايش المشاكل الي بتواجهها الطبية؟" ، وبالأخير ختمتها بسؤال "إنتي الحين  
مدركة وعارفة ان المجال الصحي فيه مخاطر وتحديات تواجهك يوميا ليش ماتفتكين منه  
وتدخلين تخصص مافيه هالخطوره!!" ..

وبعدھا شكروني وشكرتهم ع وقتهم الي خصصوه لي وطلعت ❌ ، وأرشدوني طالبات الطب  
وين أروح واستلمت بعدها جوالي وطلعت من المدينة الجامعية وتوجهنا للبيت..  
مقابلتي كانت حلوة ولطيفة والدكتورات كانوا متفهمين كوني طالبة توني متخرجة من  
الثانوي حتى تعاملهم كان حلو نوعًا ما ❌ ، إن شاء الله إنكم إستفدتوا من تجربتي وإن  
شاء الله كلكم مقابلاتكم ناجحة وحلوة ومنتظرينكم تبشرونا. 😊 ❌ ❌ ❌ ❌ ❌  
أي سؤال وإستفسار الاسك وتويتر بأخر صفحة موجود ❌ ، وسبق وتكلمت عن المسار  
الصحي والمقابلة بسنابي AlaaOas ونزلتها لكم ع يوتيوب: ❌

<https://youtu.be/vTjNqO3g8e0>

السلام عليكم معكم رنا تخصص طب اسنان 🙋🏻

بقولكم تجربتي ومشاعري قبل وبعد المقابلة وكيف استعدت لها وبعدها قرروا اذا الموضوع يستاهل تتوترون عليه او لا ..

أول شيء حلو ان الوحده تروح بزى رسمي، تنورة سوداء وقميص ✓

يكون الشكل مرتب يعني لا تكثرون مكياج والشعر هادي ✓

أما بالنسبة للجلسة خليك طبيعية بصراحة أنا قريت كلام عن إن ما ينفع تجلسين رجل

على رجل بس مع الأسف أول ما دخلت جلستها 😊😊

حاولوا تتدربون عليها وتوقعوا الأسئلة.. أنا تدربت كثير بس أبد مو شرط تجيك مثلها

😊😊

أهم شيء بيني أن الصحي رغبتك أنت ومحد جابرك عليه

راح تروحون الجامعة بيستقبلونكم بنات متطوعات ويعلمونكم وش بتسوون، بعدين

بتدخلون بغرفة فيها لجنة من ٣ دكاتره ..

أول شيء رحنت وأنا أكثر وحدة واثقة من نفسي، ومتدربة على كل الأسئلة حتى الأمور

السياسية رتبت رأيي فيها 🤔

المهم دخلت وقلت السلام عليكم ممكن أجلس؟ وقالت تفضلي واكتبي اسمك

الأمر حلوة والوضع تمام للحين، لين قالت وش اسمك وكم نسبتي بالثانوي

قلت اسمي رنا عبدالرحمن، ونسبتي كانت ٨٧ وسكتت؟؟؟

طبعا عم السكوت أرجاء المكان واستوعبت قلت لا معلش نسبتي ٧٨ .. لالا نسبتي ٨٩!!!

برضو اشوف علامات استفهام بوجههم 😊😊

بذاك الوقت حسيت إني بموت كذا أحس بحرارة قوية مرة ٢٢٢٢٢ قالت لي هدي شوي عشان

نكمل

سكت شوي وسميت بالله وقلت يلا نسبتي ٩٧,٨

وبدت تسأل أسئلة ومن ضمن الأشياء اللي قالتها وش التخصص اللي الموجود أول الصيدلة

او الطب؟

طبعا ما كنت ادري قلت لها ما عندي خلفية.. قالت الصيدلة، وهم قبل كانوا تخصص

واحد وفصلهم فلان من الدولة العثمانية وكملت سرد التاريخ 😊

يعني هم راح يحطونك بموقف إنك أنت ما تعرفين وكذا لكن خلي الوضع عاادي.. أهم

شيء خليك هادية ولا تستعجلين بالرد وإذا قالوا شيء ما عرفتيه قولي ما عندي خلفية.. ما

اعرف.. مدري؟؟

أفضل من تردين ويحجرون لك اكثر

برضو لا تتفلسفون كثير؛ يعني لا تقولون نسب و إحصاءات لأنهم بيسألونكم من وين جبتيا وتدخلون في باب أنتم بغنى عنه..

خلصت وطلعت ونسيت عباتي وجوالي من الروعة 🤔🤔🤔❤️ وحسيت إني ماراح انقبل، جبت العيد بالبداية بعدين سألتني أشياء ما عرفت أجابها شوي شوي بديت أفقد الأمل إني انقبل 😞

وهذا أنا الحينخلصت تحضيري صبحي ولله الحمد 🙌❤️❤️ وقبلوني مع الحوسة اللي سويتها، لذلك أبد ما يستاهل توتر، روحوا سولفوا شوي وتعالوا ✓❤️

تفرجوا على الدرعية وتعرفوا على البنات ✨😊 استمتعوا تراه يوم ماراح يتكرر أبد 🌟

إذا عندكم أي شيء خايفين منه أو شايين همه لا أوصيكم كلموني علطول 🤔❤️ تراي كنت خايفه من كل شيء للأمانة والحمدلله عدت بأفضل الأحوال ❤️

<https://ask.fm/RanaF7>

السلام عليكم ورحمة الله وبركاته .

معكم عاليه القحطاني .

تخصص تغذيه أكلنيكيه .

في البداية أحب أبارك لكم بترشيحكم لمقابلة التخصصات الصحية في جامعة الملك سعود ، ومثل مايقولون أول الغيث قطره وي رب تكون بداية الخير وتحقيق الأحلام لكم .  
راح أتكلم لكم عن تجربتي في المقابلة ، للأمانة كانت من أفضل الأشياء اليّ مرت عليّ ، تجربة حلوه وجديدة وأستمتعت فيها جداً 😊❤️ .

أولاً أول مايطلع الترشيح راح يعطونك وقت محدد حاول تجين قبله بنص ساعه منعاً لحدوث أيّ ظرف طارئ 🤔👉 ، وبرضوا راح يبلغونك عن الأوراق المطلوب إحظارها .  
إذا وصلت للجامعه راح تلقين بوابة مكتوب عليها للمقابلة من برا

وإذا دخلتي من عندها بتطلب منك إثباتك أنا وقتها ما عندي بطاقة أحوال فكان إثباتي بطاقة العايله ، شيكت عليه وقالت روجي مبنى 2 إلي هو كلية الطب أول ماتدخلين بتلقين أربع أشخاص يشوفون أثباتك ويدلونك وين تروحين بعدها ، طبعاً بعدها رححت للبنات المتطوعات وعطيتهم جوالي ودخلت للكلية كان فيه قاعة إنتظار جلست فيها تقريباً نص ساعه بدون ما أسوي شيء .

دخلونا على دفع لمعمل في حواسيب وعطونا أوراق فيها تسجيلين معلوماتك وترتيب رغباتك بالكليات وأسئلة " تأكدي إنك جاويتي على كل الأسئلة وأعرفي وش كتبت لانهم يوم دخلت قالت وحده سألنها نفس الأسئلة ردت وقالت ايه " .

بعد ماتعيين نموذجك وتسلمينه تقعدين بالغرفة نفسها إلى ماينادون إسمك وبياخذونك البنات المتطوعات ويوصلونك إلى باب الغرفة كانوا مره متعاونات ويخففون توتر البنات الله يسعدهم . 🤔👉

طبعاً قبل ما أبدا أتكلم وش صار داخل حابه أنصحكم عن حاجه . 🤔👉

\*قد ماتقدرون خليككم على سجيتهكم ولا تتصنعون أبد ولا تكذبون لأنهم بالأخير بيون يعرفون شخصيتك كيف\*

يوم جاء دوري طقيت الباب وسلمت بإبتسامه وردوا علي السلام ووحده منهم الله يسعدها قالت وش هالأبتسامه الحلوه ياعاليه وش هالزين للأمانة خف التوتر عندي مره . 🤔👉❤️👉😊  
كانو ثلاثه الي بالوسط تنحط بالقلب كبيره شوي وأخلاقها تجنن وتضحك وكلهم يعني بس الاتجيك وحده تناظرك بتشوف هل إنت بتتوترين أولاً بس للأمانة ما أثار فيني . 🤔👉



يا اهلاً 🙋🏻👋🏻

معكم شهد المنصور - تغذية اكلنكية

مبروك الترشيح وان شاء الله مقبولين 🙋🏻😊

لان المقابله ما تعتبر شي عائق باذن الله شي بسيط وبيكون ذكرى لكم حلوه وبقولكم عن تجربتي فيها 🙋🏻😊

طبعا كانت المقابلات مقسمينا على اوقات معينه وانا كانت فترتي تبدا من ١٠ بس اني تاخرت شوي عشان طلعت من البيت متاخر والزحمه بس الحمدلله كان عادي وما دققوا كثير على الوقت ودخلت الجامعه وطلعت من البوابه اللي تطلع على الكليات ورحت لكليه الطب وكانوا فيه بنات علموني وين اروح لين وصلت لغرفه الانتظار اللي قبل ما ادخل على المقابله .. وجاء وقت مقابلتي وكان فيه ثلاثه يقابلوني وماكانوا سيئين ولا يستفزون كثير بالكلام طبعا كانوا معطينا ورقه بغرفه الانتظار عشان نعبي فيها بياناتنا وبعض الاسئله نجابوب عليها ويعطونها اللي بنقابلهم قبل ندخل بخمس دقائق فلما دخلت كانوا قارين ورقتي وعلى اساسها بيسالوني فسلمت وجلست وسالوني عن اسمي ان اهلا وش اسمك قلت اسمي شهد قالوا شهد المنصور قلت ايه بعدين سألوني عن درجاتي وموزونتي ان كم درجه التحصيلي وكم درجه القدرات وكم مركبتك بالثانوي وسالوني اذا كنت راضيه عن درجاتي وموزونتي قلت الحمدلله درجاتي بالمدرسه راضيه عنها بس القدرات والتحصيلي شوي لا بس الحمدلله وبعدين كان من الاسئله اللي جاوبنا عليها بالاوراق ان موقفي لو تعرضت للظلم فقالوا انك كاتبه بتدافعين هل صحيح بتدافعين بوقتها عن نفسك قلت ايه طبعا قالوا طيب قد تعرضتي للظلم قلت ايه وقالوا ليه ومتى ومن مين ووشلون تصرفتي قعدت اقولهم السالفه ان كان بالمتوسط ووحده من الاستاذات ظلمتني بدرجاتي قالوا ورحتي كلمتها ووشلون عرفتي انها ظالمتك قلت اني كنت حاله كويس ومتاكده فرحت لها وكلمتها وصارت صدق غلطانه وبعدين سألوني عن ظاهره سيئه بالمجتمع وقلت العنف الاسري وقعدوا يناقشوني فيه ان قد سمعتي او احد من اهلك من المعنفين ووحده منهم جابت مشكله العم معيض كمثال (👉) اتوقع اسمه كان كذا وقعدت تضحك وبعدين رجعوا للظلم وقالوا وش رايك فيه وقلت انه مو كويس وقالوا ان تعلمين امك بمشاكلك قلت لا طبعا هي مالها دخل بمشاكلي انا احلها بنفسي ليه اضايقها قالوا وتشوفين صح تخبين على امك قلت لا بس ماله داعي اشياء بسيطه ازعجها فيه وبعدين سالوا اذا قد سويت عمليه او اذا احد من اهلي سوا وقلت لا الحمدلله ما سويت عمليه وقالوا طيب احد من اهلك مقعد او فيه مرض قلت لا بس ابوي مريض سكر

وبعدين قالوا ليه اخترتي جامعه سعود قلت لانها الافضل بنظري وفيها التخصص اللي  
ابيه قالوا ووش التخصص اللي تبينه قلت بصريات وقالوا وكم عدد سنين هالتخصص  
قلت ٦ سنين قالوا ست !!! نعرف انها ٥ وشككوني فيما عشان يعرفون اذا صدق ابيه او لا  
قلت الا انا قاريه واعرف انها ٦ سنين قالت اييه يمكن تقصدين مع التحضيري قلت ايه  
اقصد السنوات كامله وقالوا طيب وش العيوب اللي تحسيتها فيك وبتوقف بطريقك  
بالجامعه والتخصص قلت مافيه الحمدلله بس يمكن اللغه لغتي شوي ضعيفه وقالوا  
هذي مشكله كبيره ان كل التخصصات تعتمد على اللغه وشلون بتتصرفين قلت ان شاء  
الله بتدرب بالاجازه وادخل دورات وبحاول اطور من نفسي اكثر قالوا الله يوفقك يارب  
والحمدلله خلصت المقابله وطلعت من عندهم     
طبعا انتموها لاغراضكم كانوا كثير من الارتباك ينسون ملف اللي فيه شهادتهم الاصل  
وبطاقه الاحوال بغرفه المقابله  
وبالاخير اهم شي اطلعوا بدري قبل وقت مقابلتكم من البيت ولو تاخروا عن موعدكم  
معلش لا تخافون وتتوترون بييديكم ومهما غلطتوا او توترتوا عادي مره  
والله يبشركم بالقبول 

السلام عليكم معاكم أمجاد طالبة مختبرات

أول شي بتكلم عن المقابلة:

هي اجراء روتيني و99% من الناس اللي تروح تنقبل فيها, سهله جدا وهدفها أنهم يعرفون هل انت راغب بالمجال الصحي أو لا.. كانت مقابلي 8 الصباح دخلت قلقانة مره وخايفة أنرفض..

دخلونا على غرفة كبيره ننتظر فيها شوي بعدين شافوا بطاقة الاحوال لنا واخذو جوالاتنا ودخلنا على قاعه ووزعوا علينا اوراق وفيها اسئلة شخصية, ومن الاسئلة كان ترتيب رغباتك للمجال الصحي اللي هي: الطب والتمريض وكلية العلوم الطبية والصيدلة. مع العلم ان ترتيبها ما بيأثر بقبولك بعدين. كل ما خلصتي بدري كل ماكانت لك الأحقية بالدخول, كنت لابسة لبس رسمي وحاطه روج خفيف لأنهم قالو لنا اللي أكبر منا المبالغة في المظهر ممكن تكون سبب لرفضك, دخلت بدري وكانت اللجنة دكتورتين بس, اول شيء رحبو فيني وقالو تفضلي بعدين سألوني عن اسمي ومن أي مدرسة تخرجت وكم كانت نسيتي وقالو كلمينا عن نفسك.. ما تفلسفت كثير قلت اسمي وعمري وايش طموحي وقلت حللي اللي حققتة , دائما لا تتفلسفون بكلامكم عشان ما يورطونكم بأسئلة مدري كيف . بعدين سألوني ليه تبغين المجال الصحي؟ قلت أحبه وأشوف نفسي فيه وما أتخيلني بمجال آخر. قالو انتي لك احد بالعائله بالمجال الصحي؟ قلت اولاد عمي , قالو بعدها بس انتي شكلك مره كيووت كيف بتحملين الصحي وتعبه! 😊😊الصدق صدمتني الكلمة قعدت اضحك قلت ماله دخل الشكل أنا أحس اني قادره بإذن الله. بعدين سألو وش الأمراض المنتشرة بالمجتمع؟ بعدها قالت انتي مستعدة للدراسة في الكليات الصحية؟ عارفه ان نظام الدوام للساعة خمسسه العصر؟ قلت أي اعرف, قالت وعادي تحسین ما بيأثر؟ وطويل؟ قلت لا دامني حابه الشيء اللي أنا فيه بيصير عادي عندي. ✨

هذي الاسئلة اللي ذكرتها, لا تشيلون همها جدًا بسيطة وبتعدونها بإذن الله 🌟

اهلاً يا حلوات 🙋‍♀️

معكم مريم فايز الدوسري - صيدلة.★♥️

مبروك الترشيح وعُقبال نتيجة المقابلة واللي ماراح تكون عائق أمام طموحك بإذن الله ..  
مجرد ذكر اسم مُقابلته شخصية يدعو للخوف والرَّهبة ولكنَّ الواقع عكس ذلك تمامًا! ♥️  
هي اسئله تتعلق بشخصيتك و أمور حياتيه لا اكثر ولا اقل! و ممكن تختلف من وحده  
للثانيه، على حسب اللي يقابلك طبعًا.  
تتطلب احيانًا اذا مو دايمًا، دقّه وتركيز و عدم اندفاع، يعني خلك دقيقه بإجاباتك و انتبه  
لها عشان ما تدخلين بمتاهات تضيّعك و توهقك، والأهم من هذا كله أنك تكونين على  
طبيعتك من دون تصنّع او تكلف ..

بدايةً، مقابلي كانت ١١ نص تقريبًا، (راح يختلف الوقت من وحده لوحده)، لكن بحكم  
إن بيتنا بعيد طلعت منه مبكر ع أساس اوصل عالموعد، وصلت قبله بفترة ما أذكر كم تقريبًا  
٤٠ إلى ٣٠ دقيقه.. ( خليكُم حريصين تجون أبكر من الموعد )، بتدخلون من البوابه المحدده  
لكم، راح يكون فيه بنات متطوّعات متعاونات جدًا وخلوقات بيدلّونكم ويوجهونكم لكل  
شيء.. أول شيء بيدخلونكم مدرّج انتظار أذكر ما طولنا فيه، ثم يوجهونكم لقاعه كبيره  
تنتظرون فيها برضو، قبل لا تدخلون القاعه هذي ياخذون جوالاتكم يشوفون إثباتك و  
اجراءات بسيطه وكذا، بقاعة الانتظار الكبيره، أول ماتدخلين فيه مُشرفات يشوفون أحوالك  
او اثباتك و تكتبين إسمك ويعطونك ورقه فيها اسئله مُعينه ما اذكرها بالضبط بس من  
ضمنها أذكر اعظم انجازاتك، ترتيب رغباتك، ايش أهم مهنة صحية ( خلكم أذكيا و قولوا  
كلها تكمل بعضها ) 😊😊، و اشيء شخصيه ماتحضرني الآن، عبّوا الورقه بتركيز، لا  
تتهاونون بإجاباتكم، خلوا اجاباتكم سطحيه أفضل، لان بناءً على اجاباتك راح يقابلونك،  
فرضًا قلتي انا قارئه كتب وهيك ببسألونك اسئله تتعلق باجابتك هذي، ايش آخر كتاب  
قرأتيه؟ اسم الكاتب، المحتوى؟ ...

بعدها تدخلون عالمُقابلته، اللي يقابلونك ٣ دكتورات، انا ٢ منهم كانوا يسألوني و الثالثه  
تتفرج، ماكانت مستفزّه ابدًا بس استغربت ليه قاعده تناظر، ف لا تهتمون ابدًا، و مهمما  
حاولوا يستفزونكم خلّوكم ريلاكس وحافظوا على هدوئكم، راح تكون سهله جدًا وبسيطه و  
لمن تطلعون منها بتقولون ليه احنا شلنا همّ اصلاً؟ ما اخفيكم كنت شايله هم بس مستودعه  
ربي كل شيء ♥️😊  
ممكن يطلبون منك تشيلين العبايه وممكن لا، المهم!

عني انا:

أول شيء دخلت قلت السلام عليكم مساء الخير كيف الحال؟ مدري ليه حسيت إني  
أمون!❤️😊

بعدين سألوني كيفك مريم؟ قلت الحمد لله بخير قالوا لي إكتبي اسمك و السجل المدني قالوا  
لي تكلمي عن نفسك قلت أسمي وعمري و مواليدكم و هواياتي وإيش اهتم له  
برضو قالوا تكلمي عن شخصيتك؟ تكلمت عن شخصيتي شوي.. قالوا ممتاز، تطبخين طبخ  
حلو؟ قلت ايوا 😊 قالوا يعني يمدحونه لك؟ قلت يخلصون الصحن 😊😊 قالت والله جميل  
، شوي قالت لي أشوفك حاطه رغبتك الأولى صيدله؟ قلت ايوه، قالت ليه؟ قلت عندي شغف  
كبير بكييمياء الدواء قالت احكي لي عنها؟ قلت كيمياء الدوائيه او الصيدلاناه هدفها تصميم  
المركبات، و كيف تطور المركبات عشان تناسب الاستخدامات العلاجيه مثلاً كيف نزيد من  
التأثير العلاجي و نقلل من الاثر الجانبي يعني قلت لهم اللي اعرفه عنها، قالت حلو والله ، مين  
قالك عن هالأشياء؟ قلت انا بحثت و اطلعت ، قالت من متى؟ قلت من فتره مو قصيره.

بعدين قالت تساعدين ماما بالطبخ؟ قلت ايوه طبعاً اساعدها بالطبخ وبكل شيء اساساً  
تحملت المسؤوليه بسن صغيره (تعمدت أقول كذا عشان تفهمها إني كفو) 😊، قالت ليه؟  
قلت ماما اخصائيه اجتماعيه و يمرر عليها اوقات تكون بدوام مسائي شفقات ف تحملت  
المسؤوليه، قالت تنتبهي لآخواتك؟ قلت أيوه ، قالت ابوك ما يتضايق من عمل ماما؟ قلت  
طبيعي بيكون متفهم مثل ما ماما عندها دوام مسائي غيرها يداوم مسائي برضو قالت ينتبه  
عليكم اذا راحت ماما؟ قلت أيوه ، قالت وين تشتغل؟ قلت بدار الضيفاه قالت ايش هو؟  
قلت تبع مجهولي الهوية ، ايتام و مطلقات و كذا يكون هالدار ملجأهم.

\*طبعاً تلاحظون هذا كأنه سواليف، يعني الأمر مورسني تماماً، فيه سواليف شوي  
وضحك\*!😊

قالت فرضاً جاء الوالد قال فجأه اخذت اجازته و نبي نساfer و انتي لسه ماجهزتي شيء؟ قلت  
عادي ابدأ اجهز من وقتها، قالت ما بييمديك، قلت الا بييمدي كلها كم لبس و خلاص 😊  
قالت طيب خوالك جو لكم فجأه كذا اتصلوا على امك قالوا لها يله بنجي ، قلت والله مفروض  
الواحد يعطي سابق انذار صراحةً، قالت ايوه بس ما عطوكم إنذار، قلت اقوم بسرعه و نجهز  
كل شيء و نتدارك الوضع قالت ممتاز!

عندك احد من قرابيك بالمجال الصحي؟ قلت ايوه ثنتين متوظفات ممرضات، و ثنتين وحده  
تدرس اشعة و الثانيه علاج تنفسي ، قالت حلو يعني مافيه أحد منهم طب او صيدله؟ قلت  
لا..

## كيف نستعد؟ !

جبي معك كافة الاوراق المطلوبه منك والشهادة و إشعار القبول \*ضروري تجيبينه\* .  
نامي كويس و كلي كويس ( وقتنا كان صيام ) .  
لا تبالغين بالكشخه و إنك تزينين زود عاللزوم، خلي شكلك مرتب ومُريح أكثر.  
إلبسي لبس رسمي، مثلاً قميص وتنوره أو تشيرت عادي.  
تعالى قبل مُقابلتك بوقت عشان ما تختبصين و تتوترين وبيّن عليك (أنا طلعت قبلها  
بيوم ع أساس اعرف المبني وين و المكان).

## أثناء المُقابله !

إلقى السلام اذا دخلتي، أو مساء الخير/ صباح الخير.  
إظهري ثقتك بنفسك لكن بشكل غير مبالغ فيه، ولا ترتبكين أبدًا ولا تتوترين.  
حافظي على بشاشة وجهك ولا تعبسين أبدًا.  
اسمعي اسئلتهم بتركيز بيّني لهم إنك مهتمّة، وفكّري كويس قبل لا تجاوبين.  
اجاباتك خليها مُختصره الا اذا طلبوا منك تفصيل.  
المعلومات اللي بتقولينها خلك متأكده منها و اذا انسألتى عن شيء ماتعرفينه قولي والله  
ماعندي الخلفيه الكافيه عنّه.  
خلّك صادقاه باجابتك ولا تتظاهرين بشيء ماتعرفينه.  
جلستك خليها صحيحه ، ظهرك مُستقيم.

## إيش نتجنب؟ !

أكل العلك، اصلاً شكلك مو مهذب تطقطقين بعلك و انتِ بمقابله شخصيه. 😊  
تحركين يدينك بشكل مُبالغ فيه ، او تطقطقين بأصابعك.  
ماتناظرين عين اللي قدامك، انتبهي خَلّي فيه تواصل بصري.

وإن شاء الله ربي يبشركم بالقبول وتفرحون فيه و تجون تبشرونا، ويوفقكم ويسخر لكم  
كل ماتتمنون بإذن الله ❤️

بسم الله الرحمن الرحيم ♀🌸🌸🌸

معكم المها النقيه تخصص صيدله للحين ماتحدد اكلينيكي "فارمدي" او "فارمسي" بس  
نقول ان شاءالله دي 🌸🌸

يارب تجربتي تكون خفيفه ممتعه متواضعه بسيطه فيها دروس لكم لأن حقتي كانت صراحه  
فلم ❤️😊 ما في شي ماصار فيها فنبدأ ان شاءالله من البدايه مع المراعاة اخطائي  
لاتطيحون فيها لانها غيبه نوعا ما 😊 واذا اسلوبى فيه تخويف او قللت من الافكار الوردية  
اعتذر علامانه بس حبيت تجربتي تكون صادقه ١٠٠/١٠٠.. ♀🌸

\*أولاً\*: مثلا مقابلتك الساعة ١٢ اصحي من ٧ بس ناموا مبكر حتى لو فيكم حماس وشوي  
وتموتون فرح حاولوا تنامون مبكر وتصحون بدري اذا انتم من نفس شخصيتي فالصباح  
لازم تصحون بدري عشان تستوعبون الحياه تسوون لكم فطور ٥ نجوم لانكم بتستعدون  
انكم تنطقون بالجمعه ٥-٤ ساعات مع جوع متواصل +😊 حاولوا الصباح تتابعون شوي  
فلم او مسلسل او يوتيوب كذا شوي يروقكم وصباح المقابله لا تطلعون على اسئله لان  
صدقوني بس بتوتركم زود "مستحيل تتوقعون اسئلتهم" او "تجي كلها زي حقننا"

\* ثانيًا\*: البسوا تنوره سودا ماتكون حقت اختك الكبيره الي مقاسها مره غير عن مقاسك  
زي الي صار معي اني بمخي بجلس بعبايتي يا حظي وان اذا انفتحت عبايتي من تحت تكون فيه  
تنوره فماستعديت ولبست حقت اختي 😊 وكبييره مره لحد اني سفطتها من الخصر ٤  
سفطات وحطيت مشبك شعر عشان تمسك وقعدت ببلوزة البيجاما حقتي الي مرسوم  
عليها دبوب مدري باندا 🐼 فمره غلط لان بتشوفون وش صار فيني 😊😊  
ثالثًا\*: اطبعوا اشعارات القبول حقتكم وحقت الموعد حق المقابله وخلوا الهويات حقتكم  
معكم + اي شي اثبات لك خذيه احتياط لان اذكر فيه بنات ناسيين شي مدري وشو  
وقاعدوا لاين طووويل ينتظرون بس ناسيه وش كان الشئ

\* نقطه مهمه: خذي ربطة شعر لان احتماليه انك تموتين حر جديرة بالاخذ بالاعتبار\*.

المهم ودخلت اختكم بالله 😊❤️ متحمسه وكاشخه ومسويه شعرها فير وحاطه روج بينك  
على عنابي ومسكرا وكذا جايه متحمسه بس موب اوفر والله ❤️ بس اني احب اكشخ المهم  
دخلت كلية الطب بتلقون لوح وناس تدلكم صدقوني مستحيل تضيعون + امشوا ورا  
السيارات وحطوا بجوجل لوكيشن كلية الطب جامعة الملك سعود بيوديك اللوكيشن لين  
الباب بعدين دخلت كان في اجرائات بسيطه زي اخذوا جوالي وتاكدوا من اثباتاتي  
وكذا ♀🌸

بعدين دخلوني مكان زي غرفة حاسب بس كبييره ووزعوا اوراق علينا فيها تكتبين معلومات  
الشخصيه ( اسمك.. عمرك ) + ٥ اسئلة 😊 جاوبوا فيها بذكاء لان ترا بيقرونها قبل تدخلون  
عندهم

\* إيش اهم انجازاتك بالحياة؟! ❁

تفضلين العمل الجماعي او لوحديك؟! ❁

بمعناه لو انظلمتي من هيئة تدريس وش بتسوين؟! ❁

ايش سلبيات تواجه المجال الصحي؟! ❁

ناسيه اخر واحد 😊 بس لو كان صعب كان تذكرته ❁

بعدين انتظار طططويل بعدها جتني طالبة طب واخذتني للغرفة حقتي بس اول جلست ❁

برا بالانتظار وهنا تبدأ النكبه ❁❁❁ قالت حلو روجك قلت شكرا قالت بس ❁

انصحك تمسحينه فيه ٣ رفضوهم قبلك لان ثنتين علم نفس بثرات جت صاحبها قالت ❁

يووه الله يعينك "تحكييني" حقينك نشبات بس لا تتوترين وسهلات الوضع ❁ ورحت ❁

بسرعه امسح الروح بالحمام وباقى بس ٥ دقائق وروجي مات يعني ماينمسح بسرعه وكل ❁

وجهي صار احمر وصار يفشل ❁ بعدين رجعت اقولها كيف هي تحاول تسلك بس واضح ❁

جبت العيد بعدين قالت فضخي عباتك قلت مستحيل لابسه بيجامتي وقامت تهاوش ❁

تقول ان احنا نمينا كذا مره وكذا كلام بس فصختها ❁ وتقبلت الامر الواقع ودخلت ❁

وسميت وقريت اذكاري حتى حقت دخول الحمام ❁ وقالت لي لاتجلسين الا لما ❁

يقولون لك والمهم دخلت وقالولي اجلسي كانوا ٣ وحده طيبيه وحده ساكته وحده بس ❁

معصبه ومكشره وودها تصفقني ❁

\* اذا احتجتي تكذبين لصالحك كذبي موب احفزكم على الرذيله بس لاتلقون بأيديكم ❁

للتهلكه \* ❁ وشوفوا موقفي وبتفهمون.. ❁❁❁

سألتي اسئله كيف تجهزتي للمقابله يالمها ؟ ❁

عرفيني بنفسك ليش ممكن اقبلك ؟ ❁

وانا الله يهديني نقلت اخر ترم مدرسه اهلي بس انها ددفف مره مره عشان اتفضى واذاكر ❁

تحصيلي والحمدلله ماندمت ولا يوم ❁ وجبت درجه زينه الحمدلله ❁

قالت وش رايك بمستوى مدرستك؟ قلت الحمدلله ماشيه كويسه نقلت لها اخر ترم قالت ❁

ليش كنتي تبين لعب ؟ قلت لا نقلت عشان بيتنا نقل وبنفس ذاك الوقت صديقاتي كانوا ❁

فيها " اول كذبه " ❁❁

سألوا قد شاركتي بمسابقات قلت انا كنت مع رعاية الموهوبين وشاركت بكذا مسابقه ❁

للروبوت سألتني وش قدموا لك وفزتي وكذا سوالف يعني ❁

قالت تخيلي معي انت بتسيرين ام وعندك عيال وصار عندك شفتات وزوجك مسافر وش ❁

بتسوين ؟ قعدت ابرر لها عند اهلي او اختي او اهل زوجي قالت اهلك مكلوفين ❁

بعيالك ❁❁❁ قلت لا بس اذا سووا كذا بشكرهم وبعزمهم على غدا ضحكت ❁❁❁

قالت وش اكثر مشكله تواجه المجتمع ؟ قلت داعش قالت كيف توقفين داعش ؟ جلست  
اتفلسف شوي 😊 انو نبطل نجيب العاب مسدسات للاطفال وكذا والرقابه الاهليه  
والرقابه من الحكومه وكذا يعني ..قالت لو تبين تسافرين دبي واهلك عيوا وصحباتك كلهم  
هناك وش بتسوين ؟ قلت بقنعهم اذا عيوا لحالي بقولهم خلنا نساقر كلنا دبي انبسطوا وانا  
انبسط برضو ضحكت ❤️😊😊

سألت عن الصيدله قالت ليه صيدله قلت لان لو تشوفين جايبه ٤٠٠/٤٠٠ بالكيمايا  
واحبا جت المنفسه ❤️ قالت مين قالك كل الصيدله كيمايا ؟ هنا \* الكذب الثانيه \* قلت  
عندي بنت خاله تدرس صيدله قالت كلها كيمايا قامت سكتت ❤️😊😊😊 حسيت  
بالانتصار 🎉 وايش تسوين بوقت الفراغ ؟ هل اهلك اوك مع فكرة الصحي ؟ لو خطيبك  
قال تخصصك ولا انا مين تختارين قلت مين هو اصلا 😊 وبس كذا خلصت مقابلي .

Final notes 🌸🌸:

لاتتوترون لاتتوترون اضحكوا معهم لاتخلوهم  
يحجرون لكم ولما تخلصونها بتحسون قد ايش كانت بس سوالف مداكم تغلبتوا ٧٥٪ الي  
هي قبول الكتروني مابقا الا ٢٥٪ بسيطه وسوالف والله يوفقكم يارب وكلوا وناموا زين  
وكذبوا بدكاء اذا احتجتوا تكذبون ❤️😊😊 وسألوا عن معدي بالضبط ومركبتي  
🎉 وسولفوا مع اي احد تشوفونه والله تخففون التوتر عنكم وعن الي حولكم 🎉  
ان شاء الله تكون بسيطه خفيفه كيكه على قلبكم واي استفسار لاتستحون عادي كلنا كنا  
بمرحلتكم واحتجنا موجه ❤️ 🎉

Twitter:mmn0710 تراه جديد سيشل لكم

Ask.fm/almaha\_Nakiyah

---

وبكذا خلصت بعض من تجاربنا اتمنى استفدتوا منها ولو حبيتوا تقرون تجارب  
زيارة بتلقونها بهالمدونة الي تقريبا شاملة كل شي من الترشيح للتخصيص بس  
اتمنى تقرونها خطوه بخطوه بمعنى ركزوا فيها على جزء المقابلة بس تجتازونها  
ابدوا بالستمستر الاول وبس تخلصونه ابدوا بالستمستر الثاني , وبالتوفيق لكم  
جميعاً

<https://ksupy437.wordpress.com/> السنة التحضيرية

للمسار الصحي.

في حال احتجتوا اي شي او طرا ببالكم اي سوال او استفسار بنكون موجودين  
وسعيدين للرد على اسئلتكم واشباع فضولكم تتقدرون تتواصلون معنا عن طريق  
اما حساباتنا بتويتر او عن طريق حساباتنا بالاسك ♥♥

### \* طب أسنان \*

-  ثُمَاضِر بن عسَكر

Twitter: @\_tot1998

<https://ask.fm/tomather1998>

-  رنا عبد الرحمن

Twitter: @RanaAlF7

<https://ask.fm/RanaF7>

-  لطيفة السويلم

<https://ask.fm/latifaalsewailem>

Twitter: @latifaalsewailm

### \* تغذية \*

-  شهد المنصور

[https://ask.fm/sm\\_\\_15](https://ask.fm/sm__15)

Twitter: @sm\_\_15

-  عاليه القحطاني

<https://ask.fm/alo89>

@\_alq2

### \* طب بشري \*

-  عهد القرين

Twitter: @3ho0odey

ASK: <http://ask.fm/Ahadahmad7>

-  آلاء الصويغ

Twitter: Alaalsowigh

Ask: <https://ask.fm/Alaa0as>

-  العنود سلمان

Twitter: anoudsalman98

<https://ask.fm/anoudsalman98>

-  بلقيس الراجحي

twitter: @balqesfaisal

<https://ask.fm/balqesfaisal>

-  ميعاد النفيعي

<https://ask.fm/Medfaiz>

Twitter : @\_mf9

 \*علاج علل النطق والسمع\* 

-  ريماس الهزاني

<https://ask.fm/reemas11>

Twitter: @a\_reemas

-  لى السدحان

Twitter: @lamasadhan

-  بيان الهويشل

twitter: bk953

ask: [https://ask.fm/bayan\\_\\_17](https://ask.fm/bayan__17)

 \*اشعة\* 

-  نورة القحطاني

@nourabdullah

<https://ask.fm/nourabdullah>

 \*بصريات\* 

-  سارة الدرهم

<https://ask.fm/SarraAD>

Twitter: @sarraAD\_

 \*صيدلة\* 

-  مريم الدوسري

Twitter : @Mriaamf

Ask : <http://ask.fm/Mriamfa>

-  المها النقيه

Twitter : mmn0710

Ask:

[https://ask.fm/AlMaha\\_Nakiyah](https://ask.fm/AlMaha_Nakiyah)

-  رغد العتيق

<https://ask.fm/Rgoooo0>

-  نجود الطريق

Twitter: @nujood\_8

[http://ask.fm/nujood\\_8](http://ask.fm/nujood_8)

 \*مختبرات\* 

-  أمجاد المطيري

Ask : <https://ask.fm/Nr1722>

Twitter : @\_\_za

-  غروب محمد

Twitter : @korbetsond1

\*تمريض\*  

- هيون الدوسري 

<https://ask.fm/anaaey1>

Twitter : Anaaey1

\*تثقيف صحي\*  

- سارة الرويس 

Twitter: @saraaars\_

\*علاج طبيعي\*  

- مجد المنديل 

[https://ask.fm/Majd\\_0](https://ask.fm/Majd_0)

- يسرنا استقبال ملاحظاتكم ورائكم على حساباتنا الموجودة ..
- وللطالبات المرشحات او المقبولات في السنة الاولى المشتركة للكليات الصحية في جامعة الملك سعود " بالرياض " يوجد هناك قروب في الواتس اب لارشادكم ومساعدتكم وتزويدكم بالعمومات والمصادر الكافية من تريد الانضمام تتواصل مع اي من حساباتنا الموجودة .

تم بحمد لله الانتهاء من ملف المقابلة الشخصية متمنين ان يحوز على رضاكم وآملين ان يعود بالفائدة الكبيره لكل المقبلين على الكليات الصحية بإذن الله . سالين المولى لنا ولكم التوفيق والسداد